



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Henr. Harphii Theologi Ervditiss. Ordinis
Minorvm, Ac Rervm Divinarvm Contemplatoris eximij.
Theologiae Mysticæ Libri Tres**

Henricus <Herpius>

Coloniae, 1611

In D. Henrici Harphii Theologiae Mysticæ , Primvm Librvm, ad pium
candidumqúe Lectorem, Praefatio.

urn:nbn:de:hbz:466:1-37362

IN D.
HENRICI HARPHII
THEOLOGIAE MYSTICAE,
PRIMUM LIBRUM,

ad pium candidumque Lectorem,

P R A E F A T I O.

INter alia multa, quae ad posteros magna cum
laude & utilitate transmisit ingenij sui mo-
nimenta vir eximius D. Henricus Harphius,
Christiane Lector, tres libros scripsit de
Mystica Theologia: è quibus primus in du-
as secatur partes, quarum in priori succinctè,
grauiter, ac eruditè, ita vt decet Theologum, prosequitur Christi
nostrae salutis instaurandae causa incarnati, eiusque sacrosanctae
& vitae & acerbae passionis mysteria, simul etiam nonnulla alia
excellentissima erga nos ingratos deploratosq; charitatis illius
indicia ac documeta: quorum sedula & religiosa lectio ac com-
memoratio id efficit in homine, nisi planè in caudicem & trun-
cum versus sit, vt feruenter redamare cupiat ac nitatur eum, à
quo se sentit tantopere, etiam cum adhuc inimicus esset, amatù,
ei que laudes grates que agat perennes, ceu fidsimo animarum
nostrarum sponso & amico. Haec verò Christi vitae & perpassi-
onis beneficia Harphius noster in primo libro triginta & tri-
bus capitibus absoluit, videlicet ad annos vitae Christi sese ac-
commodans, vt quot ille annis nostra causa vixit in terris, tot
capitibus immensum erga nos amorem illius prosequatur. Nec

* 3

debet

P R A E F A T I O.

debet vlli esse ambiguum; quā omnino nullum sit in vlla virtute progressum habiturus, quisquis in his Christi beneficij commemorandis sedulo versatus non erit. Nihil enim aequē nostrum erga Deum amorem accendit, vt horum attentā meditatione. Quāquam non debet fideli Christiano satis esse Domini sui beneficia ob oculos studiosē versare, nisi etiam vitæ eius sanctissimæ & omnigenis virtutibus conspicuæ exempla pro virili sectetur. Quā re permotus, nisi fallor, Harphius noster, postquam diligenter Christi mysteria persecutus est, mox ad virtutes graphicè depingendas se confert, multisque capitibus non solum piè, sed etiam doctè in virtutum explicatione versatur, creberrimis nedum Catholicorum Patrum, sed etiam Ethnorum Philosophorum sententijs vtens. Habent enim & Ethnici multa præclare dicta, quæ nos possumus ad morum informationem & alios pios vsus transferre, & ab iniustis possessoribus ablata, ad pietatis & virtutum ædificationem applicare, quemadmodum olim filij Israel ex Aegypto proficiscentes Domini iussu Aegyptios ipsorum opibus spoliârunt. Si quis autem diligentius Harphij nostri institutum perscrutetur, inueniet eum non nisi exactissimo iudicio & optima ratione in hoc opere, sicut & in alijs vsu esse. Cū enim præcipua illius mens atque propositum sit, homines ad summam perfectionem euehere, ea verò nullo pacto obtineri possit, nisi quis virtutibus bene instructus sit, virtutes autem assequi non possit, nisi qui eas cognititas habeat (multa enim sæpe vitia se virtutes esse mentiuntur) vtilissimus certè labor ille censendus est, quem Harphius virtutibus describendis adhibuit. Atque ipse etiam quodam loco hortatur, vt virtutum exa-

Etiam

P R A E F A T I O.

Etiam habere cognitionem enitatur, ut agnitas perfectius ad-
 pisci queamus. Vbi autem animus virtutum ornamenti egregie
 insignitus est, ad diuinorum contemplationem aptissimus
 est. Propterea etiam Philosophi gentiles, ut possent in vere
 inquisitione & contemplatione sincerioribus ac liberioribus
 vacare animis, maximam perturbationibus sedandis, & vir-
 tutibus assequendis nauabant operam: quanquam eorum virtu-
 tes omnes Deo gratie non fuerint, quod informes essent, nec su-
 os possent habere numeros ob fidei charitatisque defectum.
 Sine fide enim placere Deo impossibile est, & absque
 charitate nulla est perfecta virtus, quamlibet excellens sit.
 Quod autem Harphius in hoc opere frequenter aliorum sen-
 tentijs sua dicta confirmat & illustrat, prudentiam ac mul-
 tam lectionem suam eo ipso declarat. Non enim sat habuit vir-
 tutes descripsisse, nisi etiam aliorum testimonijs sua scripta ro-
 borasset. Vbi certe multa vsus est arte & industria, dum plu-
 rium auctorum sententias tam concinno & apto ordine con-
 necit, ut vix agnoscas, suisne, an alienis verbis utatur. Multa
 tamen etiam ex suo ingenio deprompsit, quod felicissimum
 habuit, ut nihil interim dicam de admirabili mentis illustra-
 tione, qua fretus etiam profunda Dei penetrare potuit. Ve-
 rum quando tantopere in hoc incumbit optimus & piissi-
 mus Pater, ut ad virtutum studium nos prouocet, debemus ob-
 temperare recta monenti. Nihil enim in hac vita iucundi-
 us est, quam virtutibus esse locupletem, quae sole vere diui-
 tiae sunt, solaeque efficiunt, ut in honore & pretio simus apud
 Deum. Humana omnia, ut verbis Diui Basilij utar, Epistola
 quadagesima secunda, umbra sunt obscuriora, & somnijs sal-

P R A E F A T I O.

lacioꝝ. Inuenta vernis floribus citius defluit. Corporis ve-
 nustas aut morbo, aut tempore flaccescit. Diuitiae sunt incertae,
 Honoris splendor facile immutatur. Artium studia & labores,
 vna cum hoc tempore finiuntur. Quin & ipsa eloquentia, cuius
 studio passim omnes tenentur, gratiam habet, sed solum auri-
 um iudicio & illici iucunditate. Virtutis autem studium preti-
 osa quidem se habenti possessio est: iucundissimum vero specta-
 culum illis exhibet, quibuscum congregitur familiariter. At-
 que, vt idem Basilius alibi ait: Alia omnia non magis possi-
 dentium, quam quorumlibet sunt, velut in talorum ludo huc il-
 luc transposita. Virtus autem sola possessio immortalis atque
 immobilis, & viuenti & morienti permanens. Felices ergo il-
 los, qui virtutibus cognoscendis studiosè incumbunt, cognitasmq̃
 exprimere conantur. Habet virtus immensa praemia, digna
 alioqui quae gratis excolatur. Age iam Christiane Lector, acce-
 de feruenti spiritu ad lectitanda Harphij aurea scripta, disce
 viuere, dum adhuc licet viuere. Nunquam melius, nunquam
 verius viues, quam vbi omnis vita tua ex virtutis praescripto
 transigetur. Laborem qualemcunque principio feres fortassis,
 quod difficilis sit virtus inexpertis, sed vbi perseveraueris praef-
 racto animo, dulcissimos breui laboris tui fructus carpes,
 & inter mediam licet Scyllam nauigans atque Cha-
 rybdim, tranquillissima ac securissima animi se-
 renitate gaudebis, consolans teipsum,
 quod paulo post visurus sis bo-
 na Domini in terra vi-
 uentium.

INDEX